

“ТЎРТКЎЛ ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ НАВБАТДАН ТАШҚАРИ УМУМИЙ ЙИҒИЛИШИ БАЁННОМАСИ

**Қорақалпоғистон Республикаси,
Тўрткўл тумани,
Беруний кўчаси, 1-уй**

2025 йил 06 сентябрь

Умумий йиғилишнинг ўтиш жойи: Қорақалпоғистон Республикаси, Тўрткўл тумани, Беруний кўчаси, 1-уйда “Тўрткўл пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **14:00**

Акциядорларни рўйхатдан ўтказиш тугаган вақт: **14:55**

Акциядорлар умумий йиғилиш бошланган вақт: **15:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 409 263 дона.

“Тўрткўл пахта тозалаш” АЖ акциядорларининг навбатдан ташқари умумий йиғилиши (келгусида матн давомида - Йиғилиш) кузатув кенгаши томонидан 2025 йил 15 августда қабул қилинган қарорга мувофиқ ўтказилмоқда.

Жамият кузатув кенгаши раиси Е.Кунназаров йиғилиш раёсатини ва котибини сайлаш бўйича таклиф берди.

Акциядорлар томонидан очиқ овоз бериш йўли билан бир овоздан йиғилиш раёсатига қуйидагилар сайланди:

1. Е.Кунназаров - Кузатув кенгаши раиси;
2. Ж.Серикбаев - “Тўрткўл пахта тозалаш” АЖ директори;
3. М.Авезов - “Тўрткўл пахта тозалаш” АЖ акциядори;

Акциядорлар томонидан очиқ овоз бериш йўли билан бир овоздан йиғилишда раислик қилувчи этиб, жамият кузатув кенгаши раиси Е.Кунназаров ва йиғилиш котиби этиб жамиятнинг акциядорлар билан корпоратив муносабатлар хизмати ходими Д.Ибадуллаев сайланди.

Йиғилишни, йиғилишда раислик қилувчи Е.Кунназаров очди ва акциядорлар ҳамда йиғилиш қатнашчиларини қутлаб, йиғилиш қворуми бўйича ахборот бериш учун сўзни санок комиссияси аъзоси З.Миримовга берди.

Санок комиссияси ахбороти:

“Тўрткўл пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 659 та акциядорга тегишли 409 263 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 310 044 дона овоз берувчи акцияларга эга бўлган 60 та акциядор (унинг вакили) рўйхатдан ўтди. Бу эса умумий овоз берувчи акцияларнинг 75.75 % ни ташкил этади ва йиғилиш ваколатли (қворумга эга) ҳисобланади.

Йиғилишга таклиф этилганлар:

Ж.Серикбаев – жамият директори;

З.Миримов – бош ҳисобчиси.

Йиғилишда раислик қилувчи Е.Кунназаров йиғилиш кун тартибини эълон қилди.

КУН ТАРТИБИ:

1. Умумий йиғилиш регламенти ва санок комиссияси таркибини тасдиқлаш.
2. “Тўрткўл пахта тозалаш” АЖ ни “Беруний пахта тозалаш” АЖга қўшиб олиш.
3. Қўшиб олиш шартномасини тасдиқлаш.
4. Топшириш далолатномасини тасдиқлаш.

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилишда раислик қилувчи Е.Кунназаров сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 4 та масала кўрсатилганлигини ва ҳар бир масала бўйича маърузачига 5 (беш) дақиқадан, муҳокама учун 5 (беш) дақиқагача вақт ажратилиши мақсадга мувофиқ эканлигини айтиб, жамият акциядорларидан акциядорларнинг навбатдан ташқари умумий йиғилиши регламентини ушбу таклиф бўйича тасдиқлаш ҳамда “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2025 йил 15 августдаги йиғилиш қарорига кўра санок комиссияси таркибига Жамиятнинг бош ҳисобчиси – З.Миримов, Жамиятнинг бош юристконсулти С.Розимов ва Жамиятнинг бош механиги Р.Балтаев номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ёқлаганлар” – 310 044 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг навбат ташқари умумий йиғилиши **қарор қилади:**

1. Жамият акциядорларининг навбатдан ташқари умумий йиғилиши регламенти тасдиқлансин.

2. Уч кишидан иборат қуйидаги таркибда санок комиссияси тасдиқлансин:

- 1) З. Миримов;
- 2) С. Розимов;
- 3) Р. Балтаев.

Кун тартибидаги иккинчи масала бўйича йиғилиш раиси жамият директори Ж.Серикбаев сўзга чиқди.

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонуни 94-моддасига асосан қўшиб олинаётган жамият ва қўшиб олаётган юридик шахс қўшиб олиш тўғрисида шартнома тузади, унда қўшиб олиш тартиби ва шартлари, шунингдек қўшиб олинаётган жамиятнинг акцияларини қўшиб олаётган жамиятнинг акцияларига айирбошлаш тартиби белгилаб қўйилади. Ҳар бир юридик шахснинг кузатув кенгаши ёхуд ваколатли органи қўшиб олиш шаклида қайта ташкил этиш тўғрисидаги ва қўшиб олиш шартномасини тасдиқлаш ҳақидаги масалани қўшиб олишда иштирок этаётган ўз жамияти акциядорларининг умумий йиғилиши ҳал қилиши учун олиб чиқади.

Шу муносабат билан, “Тўрткўл пахта тозалаш” АЖни “Беруний пахта тозалаш” АЖга қўшиб олиш масаласини қонунчиликда белгиланган тартибда жамият акциядорлари умумий йиғилишида кўриб чиқиш учун кун тартибига киритилган.

Ўзбекистон Республикаси Президентининг 2020 йил 6 мартдаги “Пахтачилик соҳасида бозор тамойилларини кенг жорий этиш чора-тадбирлари тўғрисида”ги ПҚ-4633-сон қарорига асосан “Ўзпахтасаноат” АЖ ва унинг тизимидаги корхоналарни тугатишни жадаллаштириш, харажатларни қисқартириш мақсадида тугатилаётган “Ўзпахтасаноат” АЖ тизимидаги “Тўрткўл пахта тозалаш” АЖни “Беруний пахта тозалаш” АЖга қўшиб олиш таклифи киритилди.

Муҳокамаларда қўшиб олинаётган “Тўрткўл пахта тозалаш” АЖнинг барча ҳуқуқ ва мажбуриятлари топшириш далолатномасига мувофиқ қўшиб олаётган “Беруний пахта тозалаш” АЖга ўтиши ҳамда қўшиб олинаётган “Тўрткўл пахта тозалаш” АЖ тугатилиб, давлат реестридан чиқарилиши қайд этилди.

Шунингдек, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунининг 60-моддасига асосан жамиятни қайта ташкил этиш масаласи бўйича қарор акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг **тўртдан уч қисмидан иборат кўпчилик (малакали кўпчилик) овози билан қабул қилинади.**

Муҳокамалардан сўнг йиғилишда раислик қилувчи Е.Кунназаров акциядорлардан тугатилаётган “Ўзпахтасаноат” АЖ тизимидаги “Тўрткўл пахта тозалаш” АЖни “Беруний пахта тозалаш” АЖга қўшиб олиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 212 484 та (68,53%) овоз; “Қаршилар”- 97 560 (31,47%);


“Бетарафлар”- йўқ. Нотўғри тўлдирилган бюллетенлар йўқ.


Кун тартибидаги иккинчи масала бўйича акциядорларнинг йиллик умумий йиғилиши **қарор қилади:**

1. “Тўрткўл пахта тозалаш” АЖни “Беруний пахта тозалаш” АЖга кўшиб олиш масаласи бўйича акциядорларнинг умумий йиғилишида иштирок этаётган 68,53 фоиз овозга эга акциядорлар ёқлаб ва 31,47 фоиз овозга эга акциядорлар қарши овоз берганлиги яъни овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилиги (малакали кўпчилик) ёқлаб овоз бермаганлиги сабабли жамиятни қайта ташкил этиш бўйича қарор қабул қилинмаганлиги маълум қилинсин.

Йиғилишда раислик қилувчи Е.Кунназаров “Тўрткўл пахта тозалаш” АЖни “Беруний пахта тозалаш” АЖга кўшиб олиш бўйича акциядорлар умумий йиғилиши қарори қабул қилинмаганлиги сабабли кун тартибидаги учинчи ва тўртинчи масалалар кўрмасдан қолдирилишини маълум қилди.

Йиғилишда раислик қилувчи Е.Кунназаров томонидан йиғилиш ёпик деб эълон қилди.

Йиғилишда раислик қилувчи:  **Е.Кунназаров**

Йиғилиш қотиби:  **Д.Ибадуллаев**



Йиғилиш баённомаси имзоланган сана 2025 йил “16” сентябрь.

